



ՄԱՐԻՆԵ ԳՐԻԳՈՐԻԻ ՀԱՐՈՒԹՅՈՒՆՅԱՆ  
պ.գ.թ., ՀՀ ԳԱԱ Պատրոնության ինսպիրուր  
Էլ. *hauugle' marina-arutunyan@mail.ru*  
Հոդվածը ներկայացվել է 10.04.2021,  
գրախոսվել է 10.04.2021,  
ընդունվել է փալագրության 20.04.2021

## ՇՈՒՇԻՈՒՄ ՄՇԱԿՈՒԹԱՅԻՆ ԱՐԺԵՔՆԵՐԻ ՈՉՆՉԱՅՈՒՄԻՑ ՓՐԿՎԱԾ՝ XVIII ԴԱՐԻ ՎԵՐՋԻ ԵՎ XIX ԴԱՐԻ ՁԵՌԱԳՐԵՐԸ

### Ներածական

Հայ գրչության արվեստի ձևավորմանն ու զարգացմանը նվիրված են բազմաթիվ գիտական ուսումնասիրություններ:

Արցախի գրչագրության արժեքային համակարգի ուսումնասիրության հարցում կարևորվում են Սարգիս արքեպս. Հասան-Ջալալյանցի<sup>1</sup>, Մակար եպս. Բարխուդարյանցի<sup>2</sup>, Մեսրոպ արքեպս. Սմբատյանցի<sup>3</sup>, Յովհաննես եպս. Շահխաթունյանցի<sup>4</sup>, Կարապետ եպիսկոպոս Տեր-Մկրտչյանի<sup>5</sup>, Գարեգին Հովսեփյանի<sup>6</sup>, Խաչիկ Դադյանի<sup>7</sup>, Օ. Եզանյանի<sup>8</sup> և ուրիշների ձեռագրական հավաքածուների դերն ու նշանակությունը:

Սակայն ինչպես վերոնշյալ գիտական հետազոտություններում, այնպես էլ ժամանակակից գրականության մեջ քիչ տեղեկություններ կան Շուշիի ձեռագրական մշակույթի, հատկապես վերջինիս մշակութային արժեքների ոչնչացումից փրկված՝ XVIII դարի վերջի և XIX դարի ձեռագրերի վերաբերյալ: Այս հրապարակումը նպատակ ունի լրացնելու Շուշիի ձեռագրական մշակույթի պատմության ուսումնասիր-

<sup>1</sup> Մատենադարանի արխիվ, Կաթողիկոսական դիվան, թղթ. 228, վավ. 15:

<sup>2</sup> Բարխուտարեանց Մ. 1895:

<sup>3</sup> Սբատեանց Մ. 1904:

<sup>4</sup> Շահխաթունեանց Յովհ. եպիսկ. 1842:

<sup>5</sup> Կարապետ եպիսկոպոս 1914:

<sup>6</sup> Հովսեփեան Գ. 1951:

<sup>7</sup> Թօփճեան Յ. 1898:

<sup>8</sup> Եզանեան Օ., Գանձասարի հայերեն ձեռագրերի հավաքածուն, էջ 59-62:

րության բաց թողնված էջերը:

Գրչության արվեստը (նաև՝ գրչագրություն) պատմական Հայաստանում ստեղծվել էր դեռևս հնագույն ժամանակաշրջանում՝ փորագրությունների տեսքով: Արվեստի այս տեսակը լայնորեն կիրառվել է միջնադարում: Արցախում նշանավոր էին Դադիվանքի (նաև՝ Դադոյի), Ամարասի, Գանձասարի<sup>1</sup>, Գոչավանքի (հնում՝ Քթիշ, հետագայում՝ Կոիչ, Գոիչ, իսկ նոր ժամանակներում մելիքանիստ Տոդ գյուղի անունով՝ Տոդ), Խանաձախի, Ավետարանոցի, Խզնավար գյուղի, Չարեքա վանքի, Փառիսոսի վանքի, Երից մանկանց վանքի, Ծարա գավառի, Աբ. Հակոբա վանքի<sup>2</sup>, Եղիշե առաքյալի վանքի, Առաջածոր գյուղի Աբ. Աստվածածին եկեղեցու (ներկայիս Արցախի Հանրապետության Մարտակերտի շրջան), Հիրիերի (Հերիերի), ինչպես նաև Արցախի հյուսիսարևելյան հատվածի մի շարք վայրերի գրչագրության կենտրոնները:

Շուշիում<sup>3</sup> ձեռագրական մշակույթը լայն թափ ստացավ XVIII դարի երկրորդ կեսից: Սակայն ցավով նշենք, որ ինչպես Արևելյան Հայաստանի մյուս շրջաններում, այնպես էլ Արցախում գրված և ընդօրինակված հայկական ձեռագրերից քչերի հանդեպ է բարեհաճ գտնվել պատմական ճակատագիրը: Խնդիրն այն է, որ դեռևս միջնադարում Հայաստանում վաչկատուն ցեղերը (սելջուկ-թուրքեր, թաթար-մոնղոլներ, Լանկ-Թեմուրի արյունարբու հրոսակախմբեր) անխնա ոչնչացնում էին մշակութային արժեքները, նախ և առաջ ձեռագրերը, գորգերը, հայկական եկեղեցիները, իսկ ոսկյա և արծաթյա թանկարժեք զարդերը, կենցաղային իրերը՝ հափշտակում: Նույն դաժանությամբ էին վարվում նաև կովկասյան թաթարները: Պետք է նշել, որ այս վաչկատուն ցեղերը, որոնք մինչև XX դարի սկիզբը ազգային ինքնության գիտակցություն չունեին և իրենց ուրիշներից՝ մասնավորապես քրիստոնյաներից, տարբերում էին «մուսուլման» ընդհանրական անվանումով, այսպես կոչված «ադրբեջանցի» տիտղոսը ամրագրեցին XX դ. սկզբին: Փաստորեն, Թուրքիայի քաղաքական նոր նկրտումների և ճնշումների տակ, թուրքական բանակի ինտերվենցիայի հետևանքով 1918 թ. ստեղծվում է կովկասյան թաթարների, այսպես կոչված, ադրբեջանական պետությունը. նավթաշատ Բաքուն հռչակվում է պետության մայրաքաղաքը, որի կառուցմանը, ինչպես նաև նրա արդյունաբերական և մշակութային զարգացմանը «ադրբեջանցիներն» ամենևին չեն մասնակցել:

«Ադրբեջանցիները» տասնամյակներ շարունակ Նախիջևանում, Արցախում (Լեռնային, Դաշտային) և Բաքվում հայկական կոտորածներին զուգահեռ մշակութային արժեքների ոչնչացման քաղաքականություն էին իրականացրել: Նրանք նպատակասլաց հայաթափել էին Նախիջևանը և Դաշտային Արցախ-Գարդման-

<sup>1</sup> Տարբեր դարաշրջաններում Գանձասարում գրված ձեռագրերի, ինչպես նաև վանքում եղած իրերի, տապանաքարերի վերաբերյալ որոշ արժեքավոր տեղեկություններ կան ԳԱԹ-ում (Ֆոնդ Ս. Քամայանի, ց. 2, բաժին 44):

<sup>2</sup> Բարխուտարեանց Մ. 1996, 109:

<sup>3</sup> Շուշի բերդաքաղաքի հիմնադրման և բնակեցման ճշգրիտ տարեթիվ մասին տարբեր կարծիքներ կան գիտական գրականության մեջ: Ընդհանրապես, հետազոտողների մի մասը (հատկապես՝ օտար ուսումնասիրողները) Շուշիի հիմնադրումը համարում են XVIII դարի հիսունական թվականները: Սակայն նշենք, որ այն որպես բնակավայր-ամրոց գոյություն է ունեցել դեռևս ավելի վաղ ժամանակներում (Բալայան Վ. 2017, 38): 1846 թ. Շուշի ամրոցը վերանվանվել է Շուշի քաղաք (Աբրահամյան Հ., Շուշիի ինքնավարության հարցի շուրջ, էջ 4: Աբրահամյան Հ. 2015):

քը, աստիճանաբար ոչնչացրել հայկական մշակութային արժեքները, բարբարոսաբար բնաջնջել Ջուղայի խաչքարերը, իսկ թուրքերը տարիներով մշակութային ցեղասպանություն են իրականացրել Արևմտյան Հայաստանում: Այս մասին վկայում են բազմաթիվ փաստեր՝ փաստավավերագրական ժողովածուներում, հուշագրություններում, գիտական հետազոտություններում, պատմագրական և մատենագիտական աշխատություններում, որոնք ներկայացված են:

Արցախի, հատկապես նրա մշակութային կենտրոն Շուշիի համար 1918-1920 թվականները համարվում են առավել ծանր իրադարձություններով լի ժամանակաշրջան<sup>1</sup>, քանի որ այս տարիներին էր, որ Ադրբեջանի նորաթուխ մուսավաթական կառավարությունը հավակնում էր բռնազավթել պատմական Հայաստանի մի շարք տարածքներ, այդ թվում՝ Լեռնային Ղարաբաղը: Ինչպես նշում է պ.գ.դ. Համլետ Հարությունյանը, արևելահայության վիճակն ավելի ծանրացավ, երբ Արևելյան Հայաստանի Շուշու, Զանգեզուրի, Զեբրայիլի և Զիվանշիրի գավառների գեներալ-նահանգապետ հռչակված (Ադրբեջանի կառավարության 1919 թ. հունվարի 15-ի որոշումով) Խոսրով բեկ Սուլթանովը դիվանագիտական ճնշումներով, սպառնալիքներով, զինված ուժ գործադրելով ցանկանում էր արցախահայությունից կորզել Ադրբեջանին հպատակվելու համաձայնություն: Սակայն արցախցիների պատասխանը անփոփոխ էր ու հստակ. ո՛չ Ադրբեջանի իշխանությանը<sup>2</sup>: Չկարողանալով հաշտվել այս իրողության հետ՝ Ադրբեջանը շարունակում էր բոլոր միջոցներով սպառնալ գավառի հայության ֆիզիկական գոյությանը: Ադրբեջանական զինված ուժերի լայնամասշտաբ հարձակումները սկսվեցին 1920 թ. մարտի 22-ի երեկոյան: Լույս 23 -ի գիշերը թուրքական կանոնավոր զորամասերը և խուժանը սկսեցին ավերել ու վառել հայկական թաղամասերի շինությունները, մշակութային հուշարձանները, կողոպտեցին հայերին, կազմակերպեցին ու իրականացրին արյունալի ջարդեր: Չնայած ինքնապաշտպանական մարտերին՝ Շուշիում հայերն ունեցան ինչպես մարդկային<sup>3</sup>, այնպես էլ մշակութային արժեքների զգալի կորուստներ: Շուշիում ավերվեցին հայկական դպրոցները (թեմական դպրոցը<sup>4</sup>, մասնավոր, հասարակական դպրոցներ), Բագրատ Տեր-Սահակյանի և Մելքոն Բաբաջանյանի տպարանները (որոնց գործունեությունն ընդհատվեց 1920 թ. մարտի 23-ին), պատմամշակութային<sup>5</sup> հուշարձանները (եկեղեցիներ, խաչքարեր, մշակութային օջախներ):

Չնայած «ադրբեջանցիների» կողմից իրականացված՝ մշակութային արժեքների ոչնչացմանը, հայ մշակույթի անխոնջ ներկայացուցիչների ջանքերի շնորհիվ փրկվել և մեզ են հասել մի քանի ձեռագրեր, որոնք պահվում են Երևանի Մեսրոպ Մաշտոցի անվան Մատենադարանում և Էջմիածնի ձեռագրատանը:

Մեր գիտական ուսումնասիրության մեջ շեշտը հիմնականում դրել ենք XVIII դարի վերջին և XIX դարում գրված ձեռագրերի վրա.

<sup>1</sup> Բալայան Վ. 2017, 423:

<sup>2</sup> Հարությունյան Հ., Շուշիի հայության կոտորածները (1919 թ. հունիս և 1920 թ. մարտ), էջ 50-51:

<sup>3</sup> Միքայելեան Ա., Ղարաբաղի վերջին դեպքերը, էջ 121-122:

<sup>4</sup> Լէօ 1914:

<sup>5</sup> Հարությունյան Մ. Գ. 2010:

**ՄԵՍՐՈՊ ՄԱՇՏՈՑԻ ԱՆՎԱՆ ՄԱՏԵՆԱԴԱՐԱՆԻ ՁԵՌԱԳՐԵՐ  
ՁԵՌԱԳԻՐ Հ՞՞ 7428  
ԺՈՂՈՎԱԾՈՒ  
(ԲԺՇԿԱՐԱՆ)**

**ՎԱՅՐ՝** Շուշի բերդ, 1791-1792 թ.: **ԳՐԻՉ՝** Միքայել Աստապատեցի:  
**ԹԵՐԹ՝** 154: **ՆՅՈՒԹ՝** թուղթ: **ՄԵԾՈՒԹՅՈՒՆ՝** 33,2 X 21,2:  
**ԳՐՈՒԹՅՈՒՆ՝** երկսին: **ԳԻՐ՝** բոլորգիր: **ՏՈՂ՝** 37-40: **ԿԱԶՄ՝**  
ստվարաթուղթ: **Հշտկրն. գրչի՝** էջ 4 ա, 72ա, 103ա: **ՎԻՃԱԿԸ՝** լավ:

**ԲՈՎԱՆԴԱԿՈՒԹՅՈՒՆ** - «Միքայել Աստապատեցույ Տոմար բժշկութեան, Բժշկարան»: - «Աչից դեղ խիստ ազնիւ»<sup>1</sup>: «Վասն ստամոքն այտոցի»<sup>2</sup>: «Վասն լերդացաւ»<sup>3</sup>: «Վասն գլխացաւին»<sup>4</sup>: «Աչացաւ»<sup>5</sup>:

«Տոմարական աղիսակ»<sup>6</sup> :

«Վասն ականջի ցաւերին» - «Ականջն որ խլանաց, կամ ջուր երբայ մնաց մէջն և չի լւէ, առ գլուխ սխտոր ծեծե, գդալ քացախ և գդալ ջուր և ապակէ մէջ եփես, քամէ պարզ ջուրն շիշի մէջ ածէ յետոյ քիչ-քիչ քսել....»<sup>7</sup>:

«Վասն բերանի խոցերին»<sup>8</sup>:

«Օձն որ մարդն խայթէ» - «...թթու բան լից վրայն խնձորի տերևն ծեծէ կապէ վրայն նաև ծեծած տերևն խնձորի և ջուրն հան խառնէ գինին և տուր խմէ. օձա-հարի և այլ գազանհարի շատվարն (խառնուրդ) լաւէ և փորձաց...օձն որ մարդոյ բերանն կշտում չի լաւանայ, բողկն ծեծէ ջուրն խառնէ գաֆրանն և խմել տուր....»<sup>9</sup>:

«Հապ փորացաւի»<sup>10</sup> : «Սպեղանիք զանազան կազմեալ, օրինակէ»<sup>11</sup> : «Հապ հագի»<sup>12</sup> :

«Թուական Սարկաւագի»<sup>13</sup> : «Տոմարական գործիք»<sup>14</sup> (Լուսնացոյց) :

**ՀԻՇԱՏԱԿԱՐԱՆ ԳՐՉԻ** - «Տոմար բժշկութե արարեալ վաղեմի իմաստնոց..... ձեռամբ յօգնամեղ Միքայել քահանայի.... օգնեա Սբ Հոգի Աստուած իմ»<sup>15</sup> :

«Բժշկարան գիրք արարեալ վաղեմի ժամանակաց իւր այբուբեն գրոցն օրի-նակ է՝ ձեռամբ Տէր Միքայելէ Աստապատեցուց Շուշի բերդն ՍՄԻԱ թուին»<sup>16</sup>:

«Տէր Միքայել գրողս յիշեա ՍՄԻԱ թուին Շուշու բերդս»<sup>17</sup> :

<sup>1</sup> ՄՄ, ձեռ. Հ՞՞ 7428, թ. 4ա:

<sup>2</sup> ՄՄ, ձեռ. Հ՞՞ 7428, թ. 15ա:

<sup>3</sup> ՄՄ, ձեռ. Հ՞՞ 7428, թ. 17ա:

<sup>4</sup> ՄՄ, ձեռ. Հ՞՞ 7428, թ. 30ա:

<sup>5</sup> ՄՄ, ձեռ. Հ՞՞ 7428, թ. 42ա:

<sup>6</sup> ՄՄ, ձեռ. Հ՞՞ 7428, թ. 61ա-71բ, 77բ, 123բ -124բ, 151ա-152ա:

<sup>7</sup> ՄՄ, ձեռ. Հ՞՞ 7428, թ. 73բ:

<sup>8</sup> ՄՄ, ձեռ. Հ՞՞ 7428, թ. 74ա:

<sup>9</sup> ՄՄ, ձեռ. Հ՞՞ 7428, թ. 95ա:

<sup>10</sup> ՄՄ, ձեռ. Հ՞՞ 7428, թ. 103բ:

<sup>11</sup> ՄՄ, ձեռ. Հ՞՞ 7428, թ. 107բ:

<sup>12</sup> ՄՄ, ձեռ. Հ՞՞ 7428, թ. 117բ:

<sup>13</sup> ՄՄ, ձեռ. Հ՞՞ 7428, թ. 125ա-126բ:

<sup>14</sup> ՄՄ, ձեռ. Հ՞՞ 7428, թ. 127ա:

<sup>15</sup> ՄՄ, ձեռ. Հ՞՞ 7428, թ. 4ա:

<sup>16</sup> ՄՄ, ձեռ. Հ՞՞ 7428, թ. 72ա:

<sup>17</sup> ՄՄ, ձեռ. Հ՞՞ 7428, թ. 103ա:

**ԾԱՆՈԹԱԳՐՈՒԹՅՈՒՆ** - Ձեռագրում ուշագրավ է «Լուսնացոյց» -ը: Այն ներկայացված է աղյուսակներով, որոնցում գրված են տարեթվերը՝ սկսած 1774 թ. մինչև 1912 թ.: Տարեթվերին զուգահեռ նշված են ամիսները՝ ըստ համաստեղությունների(խոյ, ցուլ, երկվորյակ, խեցգետին, առյուծ, կույս և այլն)<sup>1</sup> : Որոշ աղյուսակներում կան հայոց տարեթվերի վերծանություն<sup>2</sup>:

ՁԵՌԱԳԻՐ Հ<sup>մ</sup> 8212

ԺՈՂՈՎԱԾՈՒ

**ՎԱՅՐ՝** Շուշի, 1822 թ.: **ԳՐԻՉ՝** Մեսրոպ Թաղիադեանց:

**ՍՏԱՅՈՂ՝** Աղա Կարապետ: **ԹԵՐԹ՝** 123: **ՆՅՈՒԹ՝** թուղթ:

**ՄԵԾՈՒԹՅՈՒՆ՝** 21 X 17,2: **ԳՐՈՒԹՅՈՒՆ՝** միասին: **ԳԻՐ՝**

նոտրգիր: **ՏՈՂ՝** 20-29: **ԿԱԶՄ՝** կտղ: **Հշտկրն. գրչի՝** էջ 6 ա, 77բ:

1-5, 79-81, 120-123 էջերը՝ չգրված: **ՎԻՃԱԿԸ՝** բավարար, կազմի Ա

փեղկի արտաքին եզրի կաշին քերծուած-մաշուած:

**ԲՈՎԱՆԴԱԿՈՒԹՅՈՒՆ** - «**Գիրք որ կոչի Աստուածանմանութիւն**» (էջ 6ա):

«Յառաջաբանովի հեղինակի»<sup>3</sup> :

**Ա)** «Գլուխ նախընթաց, յաղագս թէ որքան մեծ իցէ ճանաչելն զԱստուած»<sup>4</sup> :

**Բ)** «Գլուխ նախընթաց յաղագս թէ որքան մեծ իցէ ճանաչելն զԱստուած»<sup>5</sup>:

**Գ)** «Եզրակացովի»<sup>6</sup> :

**Դ)** «Նմանութիւն»<sup>7</sup>:

**Ե )** «Յաղագս թէ Աստուած է գոյացական էակ և նմանութիւն»<sup>8</sup> :

**Զ)** «**Յաղագս թէ Աստուած է կենդանի էակ**» - «....թէ Աստուած իցէ կենդանի, բայց զի կարգ բանին այսպէս պահանջե վասն այն ցուցանելի է նախ վկայութեամբ Սբ գրոց....»<sup>9</sup> :

**Է)** «**Յաղագս թէ Աստուած է իմացական էակ**» - «....իմացական գոլն ցուցանի նախ վկայութեամբ Սբ գրոց, զի ասէ յոր իմաստուն է մտօք, զօրաւոր և մեծ, և իմաստունն ասէ գոյ 'ի նմա հոգի մտաւոր .... Սբ Միածին....»<sup>10</sup> :

**Ը)**«**Յաղագս թէ Աստուած է անձնիշխան էակ**» - «Սոյն է ասել թէ Աստուած է անձնիշխան, քանզի անձնիշխան անուին ո՛չ այլ ինչ է, թէ ո՛չ կամք ազատ: Ապա 'ի ցուցանելն թէ կամքն է 'ի Աստուած, միանգամայն ցուցանի և անձնիշխանութիւն....»<sup>11</sup> **Թ)**«Յաղագս թէ Աստուած է ճշմարիտ էակ»<sup>12</sup>:

**Ժ)** «Յաղագս թէ Աստուած է ամենաբարի էակ»<sup>13</sup> :

<sup>1</sup> ՄՄ, ձեռ. Հ<sup>մ</sup> 7428, թ. 127ա-127բ, 153բ - 154ա:

<sup>2</sup> ՄՄ, ձեռ. Հ<sup>մ</sup> 7428, թ. 138ա-139ա, 142ա -148ա:

<sup>3</sup> ՄՄ, ձեռ. Հ<sup>մ</sup> 8212, թ. 7ա:

<sup>4</sup> ՄՄ, ձեռ. Հ<sup>մ</sup> 8212, թ. 7 բ:

<sup>5</sup> ՄՄ, ձեռ. Հ<sup>մ</sup> 8212, թ. 7 բ:

<sup>6</sup> ՄՄ, ձեռ. Հ<sup>մ</sup> 8212, թ. 10ա:

<sup>7</sup> ՄՄ, ձեռ. Հ<sup>մ</sup> 8212, թ. 16բ:

<sup>8</sup> ՄՄ, ձեռ. Հ<sup>մ</sup> 8212, թ. 19ա:

<sup>9</sup> ՄՄ, ձեռ. Հ<sup>մ</sup> 8212, թ. 21ա:

<sup>10</sup> ՄՄ, ձեռ. Հ<sup>մ</sup> 8212, թ. 22ա:

<sup>11</sup> ՄՄ, ձեռ. Հ<sup>մ</sup> 8212, թ. 22 բ:

<sup>12</sup> ՄՄ, ձեռ. Հ<sup>մ</sup> 8212, թ. 23բ:

<sup>13</sup> ՄՄ, ձեռ. Հ<sup>մ</sup> 8212, թ. 24բ:

Ի) «Յաղագս թէ Աստուած է մի միայն»<sup>1</sup> :

Լ) «Յաղագս նմանուի, որ արտահանի 'ի ճանաչման է Սրբոյ Երրորդութեան»<sup>2</sup>:  
«Տէր՝ ի թուականիս Հայոց»<sup>3</sup> :

**«Փիլիպպոսի Համառօտ մեկնութիւն ոմանց բանից եղելոց ի Տրամաբանութեանն Անտոնի Գովղնոյ»<sup>4</sup> :**

Ա) «Եզրք», «Պարզ նախադասութեանց ոմանց առաջին ընտերակայի»<sup>5</sup>:

Բ) «Օրէնք Աստուածային...»<sup>6</sup>:

Գ) «Կանօնք ներգործուի»<sup>7</sup>:

Դ) «Որպէս բաղձանք բարոյական առաքինութեան»<sup>8</sup> :

Ե) «Զինչէ հաւասարեալ և անհաւասար սահմանն»<sup>9</sup>:

Զ) «Զինչէ տեսականուին գործնականի և տեսականի»<sup>10</sup>:

Է) «Զինչէ գործողական հաւաքաբանուին, որոյ մեծագոյն և այլն», «Զինչէ, որ ասէ, թէ ապացուցուիք այլոց»<sup>11</sup>:

Ը) «Արդ մարդկուի և կենդանուի նշանակել են...»<sup>12</sup>:

Թ) «Վասն գոյացուի»<sup>13</sup> :

Ժ) «Զինչէ, որ ասէ գոյացուի առանց քանակուե և այլն»<sup>14</sup> :

**ՀԻՇԱՏԱԿԱՐԱՆ ԳՐՉԻ** - «Եւ այժմ արտագրեալ զգուշութեամբ 'ի նախկին գաղափարե անտի 'ի նորին իսկ ձեռագրէ աշխատասիրութեամբ նուաստ Մեսրոպայ սարկաւազի Կարբեցոյ միաբան Թաղիաղեանց, որ պաշտօնատար հարազատ եւ ծառայ՝ Յովհաննէս խորհրդական գրագիր Արքեպիսկոպոսի Տարօնացոյ: 'ի հայրապետութեան տեսոն Եփրեմայ Սրբազան կաթողիկոսին Ամենայն Հայոց, յամի 1822, փետրարի 19, 'ի Շուշի քաղաքի, որի վիճակայ Արցախու»<sup>15</sup> :

«...զայս գիրք ... իբրև զբոլորեալ փունջս ծաղկանց ընծայեցի Աղայ Կարապետ գերազնիւ իմաստասիրի եւ այն՝ ոչ վասն մարմնոյ բարե ցանկութեան, այլ յաղագս զբարեկամուին ... Խոնարհ ծառայ գերազնիւ ձեռամբ Մեսրոպ սարկաւազ Կարբեցի Դաւթայ Թաղիաղեանց»<sup>16</sup>:

## ՄԱՅՐ ԱԹՈՌ ՍԲ. ԷԶՄԻԱԾՆԻ ՁԵՌԱԳՐԵՐ

ՁԵՌԱԳԻՐ Հ<sup>Վ</sup>ր 166

ԱԻԵՏԱՐԱՆ

<sup>1</sup> ՄՄ, ձեռ. Հ<sup>Վ</sup>ր 8212, թ. 26ա:

<sup>2</sup> ՄՄ, ձեռ. Հ<sup>Վ</sup>ր 8212, թ. 57ա:

<sup>3</sup> ՄՄ, ձեռ. Հ<sup>Վ</sup>ր 8212, թ. 78 ա:

<sup>4</sup> ՄՄ, ձեռ. Հ<sup>Վ</sup>ր 8212, թ. 82ա:

<sup>5</sup> ՄՄ, ձեռ. Հ<sup>Վ</sup>ր 8212, թ. 82բ:

<sup>6</sup> ՄՄ, ձեռ. Հ<sup>Վ</sup>ր 8212, թ. 83 ա:

<sup>7</sup> ՄՄ, ձեռ. Հ<sup>Վ</sup>ր 8212, թ. 89 ա:

<sup>8</sup> ՄՄ, ձեռ. Հ<sup>Վ</sup>ր 8212, թ. 89բ:

<sup>9</sup> ՄՄ, ձեռ. Հ<sup>Վ</sup>ր 8212, թ. 92բ:

<sup>10</sup> ՄՄ, ձեռ. Հ<sup>Վ</sup>ր 8212, թ. 93բ:

<sup>11</sup> ՄՄ, ձեռ. Հ<sup>Վ</sup>ր 8212, թ. 95ա:

<sup>12</sup> ՄՄ, ձեռ. Հ<sup>Վ</sup>ր 8212, թ. 103ա:

<sup>13</sup> ՄՄ, ձեռ. Հ<sup>Վ</sup>ր 8212, թ. 106ա:

<sup>14</sup> ՄՄ, ձեռ. Հ<sup>Վ</sup>ր 8212, թ. 106բ:

<sup>15</sup> ՄՄ, ձեռ. Հ<sup>Վ</sup>ր 8212, թ. 6ա:

<sup>16</sup> ՄՄ, ձեռ. Հ<sup>Վ</sup>ր 8212, թ. 77բ:

**ՎԱՅՐ՝** Շուշի, 1867-72թթ.: **ԳՐԻՉ, ԾԱՂԿՈՂ՝** Մարգարիտ Ալեքսանեանց:  
**ՊԱՏՎԻՐԱՏՈՒ՝** անհայտ: **ԹԵՐԹ՝** 241: **ՊՐԱԿՆԵՐ՝** 50: **ՆՅՈՒԹ՝** թուղթ:  
**ՄԵԾՈՒԹՅՈՒՆ՝** 34,6 X 24,5: **ԳՐՈՒԹՅՈՒՆ՝** երկսիւն: **ԳԻՐ՝** բոլորգիր:  
**ՏՈՂ՝** 31: **Մներկր՝** ավետարանիչ, կիւ, լգ: **ԶԱՐԴԱՆԿԱՐՉՈՒԹՅՈՒՆ՝** թռչնա-  
գիր, կենդանագիր: **ՊԱՀՊԱՆԱԿ՝** 1+1, թուղթ: **ԿԱԶՍ՝** արծաթապատ տախտակ:  
**Հշտկրն. գրչի՝** էջ 3ա: **ՎԻՃԱԿԸ՝** լավ:

**ՔՈՎԱՆԴԱԿՈՒԹՅՈՒՆ** - «Աւետարան ըստ Մատթէոսի»: «Աւետարան ըստ Մարկոսի» «Աւետարան ըստ Ղուկասոսի»: «Աւետարան ըստ Յոհաննոսի»:

**ՄԱՆՐԱՆԿԱՐՉՈՒԹՅՈՒՆ** - Մանրանկարներն աչքի են ընկնում մեծ նրբա-  
ճաշակությամբ: «Աւետարան»-ի յուրաքանչյուր գլուխ սկսվում է գլխատառերով,  
որոնց գրվածքը ներկայացվել է զանազան կենդանիների կամ ձկների, երբեմն՝  
նուրբ ծաղիկների պատկերներով: Որոշ գլխագրեր գրված են երեք լեզվով՝ հայե-  
րեն, ռուսերեն և ֆրանսերեն: Ձեռագրի սկզբում պատկերված են չորս ավետա-  
րանիչները: Աշխատանքում կան կիսախորաններ<sup>1</sup> և լուսանցազարդեր: Հետաքր-  
քիր է Սբ. Գրիգոր Նարեկացու մանրանկարը, որում նրա հայացքն ուղղված է  
դեպի երկինք՝ ամպերի մեջ երևացող մանուկը գրկած Տիրամորը<sup>2</sup>: Ուշագրավ են  
Շուշի քաղաքի հայոց թաղամասի<sup>3</sup>, Մայր Աթոռ Սբ. Էջմիածնի մանրանկարները<sup>4</sup>:

**ՀԻՇԱՏԱԿԱՐԱՆ ԳՐՉԻ** - «Հոգին Սուրբ եկեցէ: Սուրբ Աւետարան Յիսուսի  
Քրիստոսի: Ձեռագրեաց Մարգարիտ Ալեքսանեաց, ի Շուշի, յամի 1872(ՌՅԻԱ)»<sup>5</sup>:

«Ձեռագրեաց Մարգարիտ դուստր Ղազանչեցի, այժմ Շուշի քաղաքացի, հան-  
գուցեալ ազնուազարմ Ումբրի-բէյի Յովհաննեան, ի կողմանէ ամուսնոյն Ալեքսա-  
նեանց, ի կարողութեան Ռուսաց Ալեքսանդր Բ, ի Հայրապետութեան Տ. Տ. Գէոր-  
գայ Դ Կաթողիկոսի Ամենայն Հայոց եւ յառաջնորդութեան հայոց Ղարաբաղու  
վիճակի Տեառն Սարգսի արքեպիսկոպոսի Զալալեանց...»:

«Շնորհոք Սուրբ Հոգւոյն, ողորմութեամբ Տեառն մերոյ եւ Փրկչին Յիսուսի  
Քրիստոսի, ազդմամբ ամենակալին եւ ամենագթածին Աստուծոյ եւ պաշտելի բա-  
րեխօսութեամբ եւ պաշտպանութեամբ ամենասրբուհի Աստուածամօրն եւ Թա-  
գուհւոյն երկնի եւ երկրի, միակ Տիրամօր Կուսին Մարիամայ, ես մեղաւոր անար-  
ժան աղախին Մարգարիտս ի դատերացն Ումբրի-բէյի Յովհաննեանց, ծնելոյ ի  
Շուշի քաղաքի, աշխարհին Արցախայ Մեծին Հայաստանի, սկիզբն արարի ձե-  
ռամբ իմով գծագրել զՍուրբ Աւետարանս, ի Փրկչական թուին 1867 և շնորհա-  
պարզն օժանդակութեամբ Սրբոյ Երրորդութեանն յաւարտ հասուցի աշխատելով  
կարի յոյժ վասն գեղեցկութեան մատենիս, յամի Տեառն 1872, ի տիս ամաց կենաց  
իմոց իբրև երեսնից: Նուիրեցի զայս ի դուռն Արարատեան Աստուածակառոյց  
Առաքելական Մայր Սուրբ Կաթողիկէ եկեղեցւոյն Սրբոյ Էջմիածնայ, ի փրկութիւն  
հոգւոց ծնողացն իմոց Ումբրի-բէյի եւ Հռիփսիմէին եւ եղբօրն իմոյ Յովհաննիսին  
... ի փրկութիւն հոգւոյս տառապեալ աղախին Մարգարիտս եւ ամուսնոյս Պետ-

<sup>1</sup> Էջմիածնի Ձեռագրատուն, ձեռ. Հ<sup>փ</sup>166, թ. 3ա, 15ա, 120ա, 149ա:

<sup>2</sup> Էջմիածնի Ձեռագրատուն, ձեռ. Հ<sup>փ</sup>166, թ. 10 բ, 50 ա, 76 բ, 117 ա:

<sup>3</sup> Էջմիածնի Ձեռագրատուն, ձեռ. Հ<sup>փ</sup>166, թ. 10 ա:

<sup>4</sup> Էջմիածնի Ձեռագրատուն, ձեռ. Հ<sup>փ</sup>166, թ. 149 բ:

<sup>5</sup> Էջմիածնի Ձեռագրատուն, ձեռ. Հ<sup>փ</sup>166, թ. 3ա:

րոսի Ալէքսանեանց»:

**ԿԱԶՄ** - Ձեռագրի կազմը արծաթապատ է, որի վրա փորագրված են գեղեցիկ, մանր քանդակներ: Առաջին երեսին՝ ձվաձև շրջանակի մեջ, փորագրված է Հիսուս Քրիստոսի բարձրաքանդակ մանրանկարը: Նա պատկերված է գահի վրա նստած դիրքով՝ Ավետարանը ձախ ձեռքին: Կազմի նույն երեսի չորս անկյուններում՝ կլոր շրջանակների մեջ, փորագրված են չորս ավետարանիչները, որոնց յուրաքանչ-յուրի ձեռքին կա մեկական Ավետարան: Շրջանակներից դուրս առկա են գեղեցիկ զարդաքանդակներ: Կազմի երկրորդ երեսի կենտրոնում՝ ձվաձև շրջանակի մեջ, առկա է ինքնատիպ բարձրաքանդակ, որում պատկերված են նորածին Հիսուսը, Մարիամ Աստվածածինը, Հովսեփը և երկու հրեշտակներ: Առկա են նաև այլ գեղեցիկ զարդաքանդակներ<sup>1</sup>:

**ՁԵՌԱԳԻՐ ՀՊՐ 186**  
**ԱՐՁԱՆԱԳՐՈՒԹԻՒՆՆԵՐԻ ՄԱՏԵԱՆ**  
(հայատառ պարսկերեն)

**ՎԱՅՐ՝** Շուշի, 1809թ.: **ԳՐԻՉ՝** գրիչ՝ Ալի բեգ Վալիֆ:  
**ԹԵՐԹ՝** 137: **ՄԵԾՈՒԹՅՈՒՆ՝** 35,5 X 22: **ՆՅՈՒԹ՝** թուղթ:  
**ԳՐՈՒԹՅՈՒՆ՝** միասին: **ԳԻՐ՝** բոլորգիր: **ՏՈՂ՝** 14- 24:  
**ԿԱԶՄ՝** ստվարաթուղթ: **Վիճակը՝** անբավարար:  
**Հշտկրն.** էջ 137 ա: **Հիշատակագրություն՝** էջ 76բ:

**ԲՈՎԱՆԴԱԿՈՒԹՅՈՒՆ** - Ձեռագրում ներկայացվում են պարսկերենով արծա- նագրություններ՝ սոցիալական խնդիրների վերաբերյալ: Հիմնականում վերաբերում են կավածքների, գյուղացիների անասունների հաշվառմանը:

**ՁԵՌԱԳԻՐ ՀՊՐ 279**  
**ԿՈՆԴԱԿ**

**ՎԱՅՐ՝** Շուշի, 1822 թ.: **ԳՐԻՉ՝** անհայտ: **ՊԱՏՎԻՐԱՏՈՒՆ՝** ԵՓՐԵՄ Ա ՁՈՐԱԳԵՂՅԻ : **ԾԱՂԿՈՂ՝** անհայտ: **ՄԵԾՈՒԹՅՈՒՆ՝** 45,4 X 32,7: **ՆՅՈՒԹ՝** թուղթ: **ԳՐՈՒԹՅՈՒՆ՝** միասյուն: **ԳԻՐ՝** նոտրգիր: **ՏՈՂ՝** 36: **Մերնկր՝** լզ.:  
**ՋԱՐԴԱՆԿԱՐՉՈՒԹՅՈՒՆ՝** թռչնագիր: **Վիճակը՝** բավարար:

**ԲՈՎԱՆԴԱԿՈՒԹՅՈՒՆ** - « Յիսուսի Քրիստոսի ծառայ եւ շնորհի: Նորին Տէր Եփրեմ Կաթողիկոս Ամենայն Հայոց եւ Ծայրագոյն Պատրիարք Աստուածայնոյ եւ Առաքելականի եկեղեցւոյ Քրիստոսի, նաև Մեծի Մայր Աթոռոյն Սրբոյ Կաթողիկէ Էջմիածնի ..... Շնորհք, սէր, ողորմութիւն, խաղաղութիւն եւ ամենաքաղցր ականարկութիւն Սրբոյ Երրորդութեան հանդերձ սքանչելահրաշ զօրութեամբ քրիստոսամուխ Սրբոյ Գեղարդեանն եւ պահպանութեամբ Աջոյ Սրբոյ Լուսաւորչին եւ Սրբոյն Յակոբայ Մծբնայ Հայրապետին եւ այլ ամենայն Աստուածային Սրբու-

<sup>1</sup> «Էջմիածին» 1962, N 12, էջ 57-59:



թեանց եւ Մասանց Սրբոց ի Մայր Աթոռն լուսոյ զետեղեալ գումարելոց ..... Գիտութիւն լիցի սիրելութեան ձերում, զի մեծաւ հաւատով եւ կատարելագոյն ջերմեռանդութեամբ առլցեայ թուղթ ձեր ժամանեաց առ մեզ հանդերձ ընծայիք ձեռամբ արժնապատիւ Տէր Մկրտիչ պարկեշտակրօն քահանային Աւագով Խալիֆեանց: Արդարն վշտացաք յոյժ ընդ վշտակցութիւնս ձեր ի բազմութեան վնասարան մարախաց, ըստ սրբազան Առաքելոյն Պօղոսի թէ զհիւանդանայ եւ ես ոչ հիւանդանամ եւ այլն: Բարի էր խնդիրն ձեր եւ հաճոյ կամաց մերոց, ըստ որում պտուղ մեծի հաւատոյ կատարեալ զղջման եւ ջերմեռանդութեան, զոր եւ արժան իսկ էր կատարել առանց զանցառութեան, առաքելով զսքանչելագործ Աջ Սրբազան Հայրապետին Յակոբայ թէ ի սէր սիրելի որդիութեան ձերոյ եւ թէ ի պատիւ յարգոյ Անտօն Արքեպիսկոպոս սիրելոյ մերոյ եւ արժանապատիւ յաջորդ Խաչատուր վարդապետ եւ նօտար Յօհաննէս վարդապետ խաչակիր սիրելի որդւոցն մերոց .... Որ եւ մենք մաղթենք յԱստուծոյ հեղույ ի ձեզ առատապէս զշնորհ մեծի գթութեան եւ ողորմութեան իւրոյ եւ ուրախ առնել զձեզ զամենեսեան արագահաս օգնականութեամբ բարեխօսութեան Սրբոյն Յակոբայ Ամէն: Աղօթարար վասն ձեր յամենայն սրտէ վշտալի Եփրեմ. 1822, մայիս 2, ի Շուշի»<sup>1</sup>:

#### **ՁԵՌԱԳԻՐ ՀՊ 657**

**ՎԱՅՐ՝** Շուշի, 1893թ.: **ԳՐԻՉ՝** Արշակ Տեր Միքայելյան<sup>2</sup>:

#### **Եզրակացություն**

Գրչության արվեստը (նաև՝ գրչագրություն) պատմական Հայաստանում ստեղծվել էր դեռևս հնագույն ժամանակաշրջանում՝ փորագրությունների տեսքով: Արվեստի այս տեսակը լայնորեն կիրառվել է միջնադարում: Շուշիում ձեռագրական մշակույթը լայն թափ ստացավ XVIII դարի երկրորդ կեսից: Սակայն ցավով նշենք, որ ինչպես Արևելյան Հայաստանի մյուս շրջաններում, այնպես էլ Արցախում գրված և ընդօրինակված հայկական ձեռագրերի որոշ մասն են հասել մեզ: Խնդիրն այն է, որ դեռևս միջնադարում Հայաստանում վաչկատուն ցեղերը (սելջուկ-թուրքեր, թաթար-մոնղոլներ, Լանկ-Թեմուրի արյունարբու հրոսակախմբեր) անխնա ոչնչացնում էին մշակութային արժեքները, նախ և առաջ ձեռագրերը, գորգերը, հայկական եկեղեցիները, իսկ ոսկյա և արծաթյա թանկարժեք զարդերը, կենցաղային իրերը՝ հափշտակում: Հետագայում նույն դաժանությամբ էին վարվում նաև կովկասյան թաթարները:

Ադրբեջանցիները տասնամյակներ շարունակ Նախիջևանում, Արցախում (Լեռնային, Դաշտային) և Բաքվում հայկական կոտորածներին զուգահեռ մշակութային արժեքների ոչնչացման քաղաքականություն էին իրականացրել: Սակայն հայ մշակույթի ներկայացուցիչների կողմից հաջողվել էր փրկել մշակութային որոշ արժեքներ, այդ թվում՝ ձեռագրեր:

<sup>1</sup> «Էջմիածին» 1971, N 8, էջ 70:

<sup>2</sup> Էջմիածնի Ձեռագրատուն, ձեռ. ՀՊ 657:

## ԳՐԱԿԱՆՈՒԹՅՈՒՆ

1. Աբրահամյան Հ. 2015, Արցախը XVIII-XIX դարերում, Երևան, «Հեղ. հրատ», 420 էջ:
2. Բարխուտարեանց Մ. 1895, Արցախ, Բաքու, «Արոր», 460 էջ:
3. Բարխուտարեանց Մ. 1996, Արցախ, Երևան, «Ամարաս», 300 էջ:
4. Բալայան Վ. 2017, Շուշի. տեղն ու դերը հայոց քաղաքակրթական համակարգում, Երևան, «Չանգակ» հրատ., 560 էջ, 32 էջ ներդիր:
5. Թօփճեան Յ. 1898, Յուցակ ձեռագրաց Դադեան Էսաչիկ վարդապետի, ժողոված 1878-1898, մասն Ա, Վաղարշապատ, «Տպարան Մայր Աթոռ Ս. Էջմիածնի», 112 էջ:
6. Լէօ 1914, Պատմութիւն Ղարաբաղի հայոց թեմական հոգեւոր դպրոցի (1838-1913), Թիֆլիզ, հրատ. Նոյն դպրոցի հոգաբարձութեան, տպարան Ն.Աղանեանի, Պոլից. 7, 692 էջ:
7. Կարապետ եպիսկոպոս 1914, Դոփեանք և Մելիք-Շահնազարեանք, Նյութեր հայ մե-լիքության մասին, արակ. Բ, Էջմիածին, 233 էջ:
8. Հովսեփեան Գ. 1951, Հիշատակարանք ձեռագրաց, հ. Ա (Ե դարից մինչև 1250), Ան-թիլիսա, «Տպարան Կաթողիկոսության Հայոց Կիլիկիոյ», 1256 էջ:
9. Հարությունյան Մ. Գ. 2010, Մշակութային կյանքը Լեռնային Ղարաբաղում (Արցախում) XIX դարի երկրորդ կեսին և XX դարի սկզբին, Ստեփանակերտ, «Դիզակ պլուս», 159 էջ:
10. Շահխաթունեանց Յովհ. եպիսկ. 1842, Ստորագրութիւն Կաթողիկէ Էջմիածնի և հինգ գաւառացն Արարատայ, հ. Բ, Էջմիածին, «Ի Ս. Կաթողիկէ Էջմիածին», 410 էջ:
11. Սմբատեանց Մ. 1904, Նկարագիր Սուրբ Կարապետի վանից Երնջակայ և շրջակայից նորա, Տիֆլիս, «Մովսէս Վարդանեանց», 608 էջ :
12. Եգանեան Օ. 1971, Գանձասարի հայերեն ձեռագրերի հավաքածուն, «Էջմիածին», N Դ, էջ 59-62:
13. Աբրահամյան Հ. 2017/ 2018, Շուշիի ինքնավարության հարցի շուրջ, «Գիտական ըն-թերցումներ» (հոդվածների ժողովածու), էջ 4:
14. Հարությունյան Հ., 2015, *Շուշիի հայության կոտորածները (1919 թ. հունիս և 1920 թ. մարտ)*, «Բանբեր Հայագիտության», № 1, էջ 50-51:
15. Միքայելեան Ա. 1923, Ղարաբաղի վերջին դեպքերը, «Հայրենիք», N 12, էջ 121-122:
16. ԳԱԹ , ֆոնդ Ս. Քամայանի, ց. 2, բաժին 44:
17. Յուցակ գրչագիր Մատինից Սրբազան Սարգիս արք. Հասան-Ջալալեանցի, Մատենա-դարանի արխիվ, Կաթողիկոսական դիվան, թղթ. 228, վավ. 15:
18. ՄՄ, ձեռ. Հ<sup>մ</sup> 7428, թ. 4ա:
19. ՄՄ, ձեռ. Հ<sup>մ</sup> 8212, թ. 7ա:
20. Էջմիածնի Ձեռագրատուն, ձեռ. Հ<sup>մ</sup> 166:
21. Էջմիածնի Ձեռագրատուն, ձեռ. Հ<sup>մ</sup> 186:
22. Էջմիածնի Ձեռագրատուն, ձեռ. Հ<sup>մ</sup> 279:
23. Էջմիածնի Ձեռագրատուն, ձեռ. Հ<sup>մ</sup> 657:
24. «Էջմիածին», 1962, N 12, էջ 57-59:
25. «Էջմիածին», 1971, N 8, էջ 70:

## Ամփոփում

### Շուշիում մշակութային արժեքների ոչնչացումից փրկված՝ XVIII դարի վերջի – XIX դարի ձեռագրերը

Մարինե Հարությունյան

Այսպիսով՝ այս գիտական ուսումնասիրությունը հիմք է տալիս հանգելու այն եզրակացության, որ դարեր ի վեր Արցախում զարգացած է եղել գրչության արվեստը: Արցախի տարբեր վայրերում գործել են գրչության արվեստի նշանավոր կենտրոններ, որոնցից է Շուշիի գրչագրության կենտրոնը: Շուշիում ձեռագրական մշակույթը լայն թափ ստացավ XVIII դարի երկրորդ կեսից: Այստեղ գրվել և ծաղկազարդվել են մի շարք ձեռագրեր, որոնց մի մասը ոչնչացվել է արտաքին թշնամիների ասպատակությունների պատճառով:

Գիտական հոդվածում հիմնականում անդրադարձել ենք Շուշիում մշակութային արժեքների ոչնչացումից փրկված՝ XVIII դարի վերջի և XIX դարի ձեռագրերի ընդհանուր նկարագրությանը: Այս ձեռագրերը ներկայումս պահպանվում են Երևանի Մեսրոպ Մաշտոցի անվան Մատենադարանում և Էջմիածնի ձեռագրատանը:

*Հիմնաբառեր. Մատենադարան, գրչություն, ձեռագիր, վանք, մանրանկար, նկարչություն, մշակույթ, ամրոց, եկեղեցի*

## Резюме

### Рукописи конца XVIII – XIX веков, спасенные от уничтожения культурных ценностей в Шуши

Марине Арутюнян

Таким образом, данное научное исследование приводит к выводу, что искусство письма в Арцахе развивалось веками. В разных районах Арцаха были известные центры письма, один из которых находился в Шуши. Рукописная культура развивалась в Шуши со второй половины XVIII века. Здесь был написан и раскрашен ряд рукописей, некоторые из которых были уничтожены нападениями внешних врагов.

В научной статье мы в основном представили общее описание рукописей конца XVIII и XIX веков, сохранившихся при уничтожении культурных ценностей в Шуши. Эти рукописи в настоящее время хранятся в Матенадаране имени Месропа Маштоца и в Доме рукописей Эчмиадзина.

*Ключевые слова: Матенадаран, письменность, рукопись, монастырь, миниатюра, живопись, культура, замок, церковь*

## Abstract

### Manuscripts of the late XVIII – XIX Centuries in Shushi Saved from the Destruction of Cultural Values

Marine Harutyunyan

Thus, this scientific study leads to the conclusion that the art of writing has been developed in Artsakh for centuries. There were famous centers of the art of writing in different regions of Artsakh and one of them was in Shushi. Manuscript culture developed in Shushi from the second half of the XVIII century. A number of manuscripts were written and decorated in Shushi some of which were destroyed by the invasions of external enemies.

In the scientific article, we have mainly referred to the general description of the manuscripts of the end of XVIII century and XIX century which were saved during the destruction of cultural values in Shushi. These manuscripts are currently kept in the Matenadaran after Mesrop Mashtots in Yerevan and in the Manuscript Library of Etchmiadzin.

**Keywords:** *Matenadaran, writing, manuscript, monastery, miniature, painting, culture, castle, church*